



舊本教官之屬七十八

大司徒

小司徒

鄉師

鄉老

鄉大夫

州長

黨正

族師

閭胥

比長

封人

鼓人

舞師

牧人



牛人

載師

縣師

均人

保氏

司救

媒氏

質人

充人

閭師

遺人

師氏

司諫

調人

司市

廛人

胥師

賈師

司諛

司稽

肆長

泉府

司門

司關

掌節

遂人

遂師

遂大夫

縣正

鄙師

鄭長

里宰

鄰長

稍人

土均

稻人

誦訓

林衡

迹人

角人

旅師

委人

草人

土訓

山虞

澤虞

甸人

羽人

掌葛

掌染草

掌炭

掌茶

掌蜃

圃人

場人

廩人

舍人

倉人

司祿

司稼

舂人

饅人

川衡

胥

內取補春官五夏官三  
秋官四冬官三十有三

從諸儒訂定教官之屬五十有八

大司徒

小司徒

鄉師

鄉大夫附鄉老

州長

黨正

族師

閭胥

比長

師氏

保氏

以上地官一

司諫

司敎

諸子夏

訓方氏夏

譚人夏

媒氏

樂師春

小胥春

小師春

眡瞭春

磬師春

匡人夏

調人

大司樂春

大胥春

太師春

瞽矇春

典同以上地官二春

鐘師春

笙師春

鞀師春

籥師春

鞀鞀氏春

司干春

舞師

遂師

縣正

錡師春

旄人春

籥章春

典庸器春

鼓人

遂人

遂大夫

鄙師

鄧長

里宰

鄰長

閭師

縣師

旅師

倉人

廩人

遺人

稍人

委人

以上地官三

周禮卷五

地官司徒第二

惟王建國。辨方正位。體國經野。設官分職。以爲民極。乃立地官司徒。使帥其屬而掌邦教。以佐王安擾邦國。

大司徒之職。掌建邦之五典。以佐王擾邦國。訓

萬民。一曰父子有親。二曰君臣有義。三曰夫婦有別。四曰長幼有序。五曰朋友有信。

此五典為後儒所補

五物即舊本上  
文五土之物生  
後儒以刪入冬  
官而以此五典  
為五物不知五  
典已在下文十  
有二教中焉用  
重叙

因此五物者民之常而施十有二教焉。一曰以  
祀禮教敬則民不苟。二曰以陽禮教讓則民不  
爭。三曰以陰禮教親則民不怨。四曰以樂禮教  
和則民不乖。五曰以儀禮辨等則民不越。六曰  
以俗教安則民不愉。七曰以刑教中則民不  
亂。八曰以誓教恤則民不怠。九曰以度教節則民  
知足。十曰以世事教能則民不失職。十有一曰  
以賢制爵則民慎德。十有二曰以庸制祿則民

興功

以荒政十有二聚萬民。一曰散利。二曰薄征。三  
曰緩刑。四曰弛役。五曰舍禁。六曰去幾。七曰  
禮。八曰殺哀。九曰蕃樂。十曰多昏。十有一曰索  
鬼神。十有二曰除盜賊。

濟荒欲寬幾盜  
欲猛

以保息六養萬民。一曰慈幼。二曰養老。三曰振  
窮。四曰恤貧。五曰寬疾。六曰安富。  
以本俗六安萬民。一曰燬宮室。二曰族墳墓。三

聚也



曰聯兄弟。四曰聯師儒。五曰聯朋友。六曰同衣服。

正月之吉始和。布教于邦國都鄙。乃縣教象之法于象魏。使萬民觀教象。挾日而斂之。乃施教法于邦國都鄙。使之各以教其所治民。令五家爲比。使之相保。五比爲閭。使之相受。四閭爲族。使之相葬。五族爲黨。使之相救。五黨爲州。使之相賙。五州爲鄉。使之相賓。

頒職事十有二于邦國都鄙。使以登萬民。一曰稼穡。二曰樹藝。三曰作材。四曰阜蕃。五曰飭材。六曰通材。七曰化材。八曰斂材。九曰生材。十曰學藝。十有一曰世事。十有二曰服事。

以鄉三物教萬民而賓興之。一曰六德。知仁聖義忠和。二曰六行。孝友睦婣任卹。三曰六藝。禮樂射御書數。以鄉八刑糾萬民。一曰不孝之刑。二曰不睦之刑。三曰不婣之刑。四曰不弟之刑。

司徒亦以刑佐民

此所謂扑作教刑

五日不任之刑。六日不恤之刑。七日造言之刑。八日亂民之刑。

以五禮防萬民之偽而教之中。以六樂防萬民之情而教之和。

凡萬民之不服教而有獄訟者與有地治者聽而斷之。其附于刑者歸于士。歲終則令教官正治而致事。正歲令于教官曰各共爾職修乃事。以聽王命。其有不正則國有常刑。

鄉刑教刑也有罪而歸于士則官刑也

小司徒之職掌建邦之教法。

歲終則攷其屬官之治成而誅賞令羣吏正夔會而致事。正歲則帥其屬而觀教法之象。狗以木鐸曰不用法者。國有常刑。令羣吏憲禁令。修法糾職以待邦治。

鄉師之職各掌其所治鄉之教而聽其治以國

比之法。以時稽其夫家衆寡。辨其老幼貴賤廢疾馬牛之物。辨其可任者。與其施舍掌其戒令。

鄉師下大夫上中下士共六十人相佐佑而分其教也

鄉師位在鄉大夫之下而總六鄉之政其事煩其官倍鄉大夫以下皆聽命焉

祭祀軍旅喪荒蒐狩令民各供其役無非教也

民徒共役器物鄉師亦兼治之亦鈎考之五官之事未嘗不聯也

糾禁聽其獄訟大役則帥民徒而至治其政令既役則受州里之役要以攷司空之辟以逆其役事凡邦事令作秩敘

大祭祀羞牛牲共茅菹天軍旅會同正治其徒役與其輦輦戮其犯命者夫喪用役則帥其民而至遂治之及葬執纛以與匠師御匱而治役及窆執斧以蒞匠師凡四時之田前期出田法于州里簡其鼓鐸旗物兵器修其卒伍及期以

司徒之大旗致衆庶而陳之以旗物辨鄉邑而治其政令刑禁巡其前後之屯而戮其犯命者斷其爭禽之訟凡四時之徵令有常者以木鐸徇于市朝以歲時巡國及野而調萬民之難阨以王命施惠歲終則攷六鄉之治以詔廢置正歲稽其鄉器比共吉凶二服間共祭器族共喪器黨共射器州共賓器鄉共吉凶禮樂之器若國大比則考教察辭稽器展事以詔誅賞

鄉師朝廷之命  
官鄉大夫以下  
則里中之賢者  
而出使長之也

鄉老公一人之鄉  
大夫卿一人望  
尊而不設屬也  
鄉師六十人各  
分其教雖多而

不冗也

賢有德才有能  
典舉也使民自  
舉其賢而薦之  
於王出使為比  
閭族黨州鄉之  
長使民自舉其  
能入使治府吏  
胥徒之事則知  
鄉老鄉吏州長  
閭師皆里中之

鄉大夫之職各掌其鄉之政教禁令正月之吉

受教法于司徒退而頒之于其鄉吏使各以教

其所治以攷其德行察其道藝以歲時登其夫

家之衆寡辨其可任者國中晚征而早免之自七尺以及六十

野自六尺以及六十有五皆征之其舍者國中

貴者賢者能者服公事者老者疾者皆舍以歲

時入其書三年則大比攷其德行道藝而興賢

者能者鄉老及鄉大夫帥其吏與其衆寡以禮

禮賓之厥明鄉老及鄉大夫羣吏獻賢能之書

于王王再拜受之登于天府內史貳之

退而以鄉射之禮五物詢衆庶一日和二日容

三日主皮四日和容五日興舞此謂使民興賢

出使長之使民興能入使治之歲終則令六鄉

之吏皆會政致事正歲令羣吏攷法于司徒以

退各憲之於其所治之國大詢于衆庶則各帥

其鄉之衆寡而致於朝國有大故則令民各守

此成周選舉之法

早征而晚免之

晚征而早免之

三〇字〇實〇下〇二〇

二〇字〇結上長句

賢者而民素所  
服從者也

其間以待政令以旌節傳令則達之

州長各掌其州之教治政令之法正月之吉各

屬其州之民而讀法以攷其德行道藝而勸之

以糾其過惡而戒之若以歲時祭祀州社則屬

其民而讀法亦如之春秋以禮會民而射于州

序凡州之大祭祀大喪皆蒞其事若國作民而

師田行役之事則帥而致之掌其戒令與其賞

罰歲終則會其州之政令正歲則讀教法如初

三年大比則大攷州里以贊鄉大夫廢興

黨正各掌其黨之政令教治及四時之孟月吉

日則屬民而讀邦法以糾戒之春秋祭禋亦如

之國索鬼神而祭祀則以禮屬民而飲酒于序

以正齒位一命齒于鄉里再命齒于三族三命

而不齒凡其黨之祭祀喪紀婚冠飲酒教其禮

事掌其戒禁凡作民而師田行役則以其法治

其政事歲終則會其黨政帥其吏而致事正歲

黨正族師即今  
之里正閭胥比  
長即今之保長  
其下大夫上中  
下士皆里中之  
賢者民自興舉  
而出釐以供之  
也

漢之鄉老耆夫亦皆百石魏之州縣鄉官悉由吏部唐之里正村正皆以勲品宗以後則胥徒為之矣賤而多責人不樂為

屬民讀法而書其德行道藝以歲時涖校比及大比亦如之。

**族師**各掌其族之戒令政事。月吉則屬民而讀邦法書其孝弟睦婣有學者。春秋祭酺亦如之。以邦比之法帥四閭之吏以時屬民而校登其族之夫家眾寡辨其貴賤老幼廢疾可任者及其六畜車輦五家為比十家為聯五人為伍十人為聯四閭為族八閭為聯使之相保相受刑

罰慶賞相及相共以受邦職以役國事以相葬埋若作民而師田行役則合其卒伍簡其兵器以鼓鐸旗物帥而至掌其治令戒禁刑罰歲終則會政致事。

**閭胥**各掌其閭之徵令以歲時各數其閭之眾寡辨其施舍凡春秋之祭祀役政喪紀之數聚眾庶既比則讀法書其敬敏任恤者凡事掌其比鱣撻罰之事。

自大司徒至此  
長九職皆成人  
材厚風俗之事  
百世不易之政  
也

不特設諫官而  
屬于司徒居虎  
門之左隱然松  
遺補闕隨朝燕  
對

比長各掌其比之治。五家相受。相和親。有臯竒  
衰則相及。徙於國中及郊。則從而授之。若徙于  
他。則爲之旌節而行之。若無授無節。則唯土內  
之。

師氏掌以媿詔王。以三德教國子。一曰至德以  
爲道本。二曰敏德以爲行本。三曰孝德以知逆  
惡。教三行。一曰孝行以親父母。二曰友行以尊  
賢良。三曰順行以事師長。居虎門之左。司王朝

掌國中失之事。以教國子弟。凡國之貴游子弟  
學焉。凡祭祀賓客會同喪紀軍旅。王舉則從。聽  
治亦如之。使其屬帥四夷之隸。各以其兵服守  
王之門外。且蹕朝。在野外。則守內列。

保氏掌諫王惡而養國子以道。乃教之六藝。一  
曰五禮。二曰六樂。三曰五射。四曰五御。五曰六  
書。六曰九數。乃教之六儀。一曰祭祀之容。二曰  
賓客之容。三曰朝廷之容。四曰喪紀之容。五曰

軍旅之容。六曰車馬之容。凡祭祀賓客會同喪紀軍旅。王舉則從。聽治如之。使其屬守王闈。

周禮卷六

司諫掌糾萬民之德而勸之。朋友正其行而強之道藝。巡問而觀察之。以時書其德行道藝。辨其能而可任於國事者。以攷鄉里之治。以詔廢置。以行赦宥。

司救掌萬民之衰惡過失而誅讓之。以禮防禁而救之。凡民之有衰惡者。三讓而罰。三罰而士加明刑。耻諸嘉石。役諸司空。其有過失者。三讓

師保諫救四職  
皆導民之官其  
及于上者詔王  
敬諫王惡兩言



舊錄夏官

而罰。三罰而歸于園土。凡歲時有天患民病。則以節巡國中及郊野。而以王命施惠。

**諸子**掌國子之倅。掌其戒令。與其教治。辨其等。正其位。國有大事。則帥國子而致於太子。唯所用之。若有兵甲之事。則授之車甲。合其卒伍。置其有司。以軍法治之。司馬弗正。凡國正弗及。大祭祀。正六牲之體。凡樂事。正舞位。授舞器。大喪。正羣子之服位。會同賓客。作羣子從。凡國之政

遊倅即所謂貴遊子弟也

事。國子存遊倅。使之修德學道。春合諸學。秋合諸射。以致其藝。而進退之。

舊錄夏官

**訓方氏**掌道四方之政事。與其上下之志。誦四方之傳道。正歲則布而訓四方。而觀新物。

舊錄夏官

**匡人**掌達法則。匡邦國而觀其慝。使無敢反側。以聽王命。

訓方匡人。擇人皆行人之職

**揮人**掌誦王志。道國之政事。以巡天下之邦國。而語之。使萬民和說。而正王面。

舊錄夏官

殺人而義者不  
同國三字疑衍  
蓋殺人而義者  
不必避也

媒氏調人二職  
一喜一憂皆民  
間必有者設官  
以同其休戚也

奔者不禁非周  
公之言或云凶  
荒札喪不待聘  
而行也

自大司樂至司  
千九職舊諫春

官

調人掌司萬民之難而諧和之。凡過而殺傷人者。以民成之。鳥獸亦如之。凡和難。父之讐。辟諸海外。兄弟之讐。辟諸千里之外。從父兄弟之讐。不同國。君之讐。眡父師長之讐。眡兄弟主友之讐。眡從父兄弟。弗辟。則與之瑞節。而以執之。凡殺人而義者。不同國。令勿讐。讐之則死。凡有鬪怒者。成之不可成者。則書之。先動者誅之。

媒氏掌萬民之判。凡男女自成名以上。皆書年

月日名焉。令男三十而娶。女二十而嫁。凡娶判

妻入子者。皆書之。中春之月。令會男女。於是時

也。奔者不禁。若無故而不用令者。罰之。司男女

之無夫家者。而會之。凡嫁子娶妻。入幣。純帛無

過五兩。禁遷葬者。與嫁殤者。凡男女之陰訟。聽

之于勝國之社。其附于刑者。歸之于士。

大司樂掌成均之法。以治建國之學政。而合國

天司樂以下二  
十二職皆樂官  
居地官之半

天神地示四望

山川先妣皆用  
樂

天司樂全章似  
為不經諸儒駁  
辯紛紛然亦形  
容其聲音變化  
之妙不足深論  
可也是周禮未  
出之先漢文帝  
省得春官大司  
樂之章於魏文  
侯時老樂工之  
手文帝大喜是  
時老樂工尚在  
然其真偽未可

之子弟焉。凡有道者，有德者，使教焉。死則以為  
樂祖，祭於瞽宗。以樂德教國子，中和祗庸孝友。  
以樂語教國子，興道諷誦言語。以樂舞教國子，  
舞雲門、大卷、大咸、大磬、大夏、大濩、大武，以六律  
六同、五聲、八音、六舞。大合樂，以致鬼神示，以和  
邦國，以諧萬民，以安賓客，以說遠人，以作動物。  
上言大合樂，此下言分樂。  
乃分樂而序之，以祭以饗，以祀乃奏黃鍾歌，大  
呂舞，雲門，以祀天神。乃奏太簇歌，應鍾舞，咸池

以祭地示，乃奏姑洗歌，南呂舞，大磬，以祀四望。  
乃奏蕤賓歌，函鍾舞，大夏，以祭山川。乃奏夷則  
歌，小呂舞，大濩，以饗先妣。乃奏無射歌，夾鍾舞  
大武，以饗先祖。凡六樂者，文之以五聲，播之以  
八音。

凡六樂者，一變而致羽物，及川澤之示，再變而  
致羸物，及山林之示，三變而致鱗物，及丘陵之  
示，四變而致毛物，及墳衍之示，五變而致介物。

天神地示人鬼  
皆用樂

及土示。六變而致象物。及天神。凡樂。圜鍾為宮。黃鍾為角。太簇為徵。姑洗為羽。雷鼓雷鼗。孤竹之管。雲和之琴瑟。雲門之舞。冬。日至於地上之圜丘。奏之。若樂六變。則天神皆降。可得而禮矣。凡樂。函鍾為宮。太簇為角。姑洗為徵。南呂為羽。靈鼓靈鼗。絲竹之管。空桑之琴瑟。咸池之舞。夏。日至於澤中之方丘。奏之。若樂八變。則地示皆出。可得而禮矣。凡樂。黃鍾為宮。大呂為角。太簇

為徵。應鍾為羽。路鼓路鼗。陰竹之管。龍門之琴瑟。九德之歌。九磬之舞。於宗廟之中。奏之。若樂九變。則人鬼可得而禮矣。

祭祀饗賓客射  
馱膳食皆用樂

凡樂事。大祭祀宿縣。遂以聲展之。王出入。則令奏王夏。尸出入。則令奏肆夏。牲出入。則令奏昭夏。帥國子而舞。大饗不入牲。其他皆如祭祀。大射。王出入。令奏王夏。及射。令奏騶虞。詔諸侯以弓矢舞。王大食。三宥。皆令奏鍾鼓。王師大獻。則

教樂舞

令奏愷樂。凡日月食。四鎮五嶽崩。大傀異。諸侯薨。令去樂。大札。大凶。大裁。大臣死。凡國之大憂。令弛縣。凡建國。禁其淫聲。過聲。凶聲。慢聲。大喪。蒞廡。樂器及葬。藏樂器亦如之。  
樂師掌國學之政。以教國子。小舞。凡舞。有帔舞。有羽舞。有皇舞。有旄舞。有干舞。有人舞。教樂儀。行以肆夏。趨以采薺。車亦如之。環拜以鐘鼓爲節。凡射。王以騶虞爲節。諸侯以貍首爲節。大夫

詔誓

以采蘋爲節。士以采芣爲節。

凡樂。掌其序事。治其樂政。凡國之小事。用樂者。令奏鐘鼓。凡樂成。則告備。詔來。瞽。臯。舞及徹。帥學士而歌。徹令相饗。食諸侯。序其樂事。令奏鐘鼓。令相如祭之儀。燕射。帥射夫以弓矢舞。樂出入。令奏鐘鼓。凡軍大獻。教愷歌。遂倡之。凡喪。陳樂器。則帥樂官及序哭亦如之。凡樂官掌其政令。聽其治訟。

大胥掌學士之版以待致諸子春入學舍采合舞秋頒學合聲以六樂之會正舞位以序出入舞者比樂官展樂器凡祭祀之用樂者以鼓徵學士序宮中之事

小胥掌學士之徵令而比之鱣其不敬者巡舞列而撻其怠慢者正樂縣之位王宮縣諸侯軒縣卿大夫判縣士特縣辨其聲凡縣鐘磬半爲堵全爲肆

正樂縣

堵牆之半也堵與肆皆陳列之名左氏曰歌鐘二肆

大師掌六律六同以合陰陽之聲陽聲黃鍾大簇姑洗蕤賓夷則無射陰聲大呂應鍾南呂函鍾小呂夾鍾皆文之以五聲宮商角徵羽皆播之以八音金石土革絲木匏竹教六詩曰風曰賦曰比曰興曰雅曰頌以六德爲之本以六律爲之音大祭祀帥瞽登歌令奏擊拊下管播樂器令奏鼓鞀大饗亦如之大射帥瞽而歌射節大師執同律以聽軍聲而詔吉凶大喪帥瞽而

此小師所掌之鼓非鼓人所教之六鼓也

廡作匱諡。凡國之瞽矇正焉。

小師掌教鼓。鼗。祝。敔。埙。簫。管。絃。歌。大祭祀。登歌。

擊拊。下管。擊應鼓。徹歌。大饗亦如之。大喪與廡。

凡小祭祀。小樂事。鼓。鞀。掌六樂聲音之節。與其

和。

瞽矇掌播鼗。祝。敔。埙。簫。管。絃。歌。諷。誦。詩。世。奠。繫。

鼓。琴。瑟。掌九德六詩之歌。以役大師。

眡瞭掌凡樂事。播鼗。擊頌磬。笙。磬。掌大師之縣。

此三百人與府史胥徒皆庶人在官而治事者也

此職專造樂器

自大司樂至此凡九職皆樂官

鐘宮聲五聲之首故舉此以繫其餘

凡樂事相瞽。大喪廡樂器。大旅亦如之。賓射皆奏其鐘鼓鼗。愷獻亦如之。

典同掌六律六同之和。以辨天地四方陰陽之

聲。以為樂器。凡聲高聲。磬。正聲。緩。下聲。肆。陂聲。

散。險聲。斂。達聲。羸。微聲。醵。回聲。衍。侈聲。柝。弁聲。

鬱。薄聲。甄。厚聲。石。凡為樂器。以十有二律為之。

數度。以十有二聲為之。齊量。凡和樂亦如之。

周禮卷七

磬師掌教擊磬。擊編鐘。教縵樂。燕樂之鐘磬。凡祭祀奏縵樂。

鐘師掌金奏。凡樂事。以鐘鼓奏九夏。王夏。肆夏。

昭夏。納夏。章夏。齊夏。族夏。祓夏。騶夏。凡祭祀饗

食。奏燕樂。凡射。王奏騶虞。諸侯奏貍首。卿大夫

奏采蘋。士奏采芣。掌鞀鼓縵樂。

笙師掌教。敎吹。篪。竽。笙。埙。籥。簫。簞。篴。篥。遂。管。春。牘。應。雅。以



廢典也陳也字  
文惟大喪用之

教祓樂。凡祭祀饗射。共其鐘笙之樂。燕樂亦如之。大喪。廢其樂器。及葬。奉而藏之。大旅則陳之。罍師掌金奏之鼓。凡祭祀。鼓其金奏之樂。饗食。賓射亦如之。軍大獻。則鼓其愷樂。凡軍之夜。三鑿皆鼓之。守鑿亦如之。大喪。廢其樂器。奉而藏之。

鞅師掌教鞅樂。祭祀則帥其屬而舞之。大饗亦如之。

旄人掌教舞散樂。舞夷樂。凡四方之以舞仕者屬焉。凡祭祀賓客。舞其燕樂。

籥師掌教國子舞羽。敝籥。祭祀則鼓羽籥之舞。賓客饗食則亦如之。大喪。廢其樂器。奉而藏之。籥章掌土鼓。幽籥。中春晝擊土鼓。敝幽詩以逆暑。中秋夜迎寒亦如之。凡國祈年于田祖。敝幽雅。擊土鼓。以樂田畷。國祭蜡。則敝幽頌。擊土鼓。以息老物。

鞀鞀氏掌四夷之樂。與其聲歌。祭祀則歛而歌之。燕亦如之。

典庸器。掌藏樂器。庸器。及祭祀。帥其屬而設筭。簾。陳庸器。饗食。賓射亦如之。大喪。廡筭簾。

司干。掌舞器。祭祀。舞者既陳。則授舞器。既舞。則受之。賓饗亦如之。大喪。廡舞器。及葬。奉而藏之。鼓人。掌教六鼓。四金之音聲。以節音樂。以和軍旅。以正田役。教爲鼓。而辨其聲用。以雷鼓。鼓神

鼓舞二職。內有  
田野兵役之事  
皆獨用而不與  
八音並奏者故  
屬地官

祀。以靈鼓。鼓社祭。以路鼓。鼓鬼饗。以鼗鼓。鼓軍事。以鞀鼓。鼓役事。以晉鼓。鼓金奏。以金錡。和鼓。以金鐃。節鼓。以金鐃。止鼓。以金鐸。通鼓。凡祭祀。百物之神。鼓兵舞。帛舞者。凡軍旅。夜鼓鞀。軍動。則鼓其衆。田役亦如之。救日月。則詔王鼓。大喪。則詔大僕鼓。

舞師。掌教兵舞。帥而舞山川之祭祀。教帛舞。帥而舞社稷之祭祀。教羽舞。帥而舞四方之祭祀。

教皇舞。帥而舞旱暵之事。凡野舞則皆教之。凡小祭祀則不與舞。

遂人掌邦之野。以土地之圖經田野。造縣鄙形體之法。五家為鄰。五鄰為里。四里為鄣。五鄣為鄙。五鄙為縣。五縣為遂。皆有地域溝樹之。使各長其政令刑禁。以歲時稽其人民而授之田野。簡其兵器。教之稼穡。凡治野以下劑致阡。以田里安阡。以樂昏擾阡。以土宜教阡稼穡。以興鋤

六御在王城百里之內六遂在王城百里之外

司徒言井邑遂也  
人言溝洫互文

十遂而通一溝  
十溝而通一洫  
十洫而通一澮

利阡。以時器勸阡。以疆予任阡。以土均平政。辨

以上七事皆治野之法

其野之土。上地中地。下地。以頒田里。上地夫一廛。田百晦。萊百晦。餘夫亦如之。中地夫一廛。田百晦。萊百晦。餘夫亦如之。下地夫一廛。田百晦。萊二百晦。餘夫亦如之。

以上頒田里之法

凡治野。夫間有遂。遂上有徑。十夫有溝。溝上有畛。百夫有洫。洫上有涂。千夫有澮。澮上有道。萬夫有川。川上有路。以達于畿。以歲時登其夫家

于滄石通大川  
九井邑皆然無  
溝洫何以為井  
田

之衆寡及其六畜車輦辨其老幼廢疾與其施  
舍者以頒職作事以令貢賦以令師田以起政  
役若起野役則令各帥其所治之民而至以遂  
之大旗致之其不用命者誅之凡國祭祀共野  
牲令野職凡賓客令修野道而委積大喪帥六  
遂之役而致之掌其政令及葬帥而屬六綽及  
窆陳役凡事致野役而師田作野民帥而至掌  
其政治禁令

遂師猶六鄉之  
有鄉師也亦朝  
廷命官遂大夫  
以下則里中之  
賢者而民自興  
之也  
遂師位在遂大  
夫之下而兼總  
六遂之政其事  
煩其官備員用  
六十人役用一  
百五十人遂大  
夫以下皆聽命  
焉皆民官也  
唐音巡歷之歷  
以執綽之名

**遂師**各掌其遂之政令戒禁以時登其夫家之

衆寡六畜車輦辨其施舍與其可任者經牧其

田野辨其可食者周知其數而任之以徵財征

作役事則聽其治訟巡其稼穡而移用其民以

救其時事凡國祭祀審其誓戒其其野牲入野

職野賦于王府賓客則巡其道修庀其委積大

喪使帥其屬以帷帟先道野役及窆抱磨共其

丘籠及蜃車之役軍旅田獵平野民掌其禁令

書于板抱磨抱  
板以巡歷之稽  
其在否也

正歲獻歲也建  
寅之月

比敘其事而賞罰。

遂大夫各掌其遂之政令。以歲時稽其夫家之  
衆寡。六畜田野。辨其可任者。與其可施舍者。以  
教稼穡。以稽功事。掌其政令。戒禁聽其治訟。令  
爲邑者。歲終則會政致事。正歲簡稼器。修稼政。  
三歲大比。則帥其吏而興。明其有功者。屬其  
地治者。凡爲邑者。以四達戒其功事。而誅賞廢  
興之。

縣正各掌其縣之政令。徵比以頒田里。以分職  
事。掌其治訟。趨其稼事。而賞罰之。若將用野民。  
師田行役。移執事。則帥而至。治其政令。旣役。則  
稽功會事。而誅賞。

鄙師各掌其鄙之政令。祭祀。凡作民。則掌其戒  
令。以時數其衆庶。而察其微惡。而誅賞。歲終則  
會其鄙之政。而致事。

鄼長各掌其鄼之政令。以時校登其夫家。比其

里宰官卑祿薄  
而最親民者故  
先王尤加之意

衆寡以治其喪紀祭祀之事。若作其民而用之。則以旗鼓兵革帥而至。若歲時簡器與有司數之。凡歲時之戒令。皆聽之。趨其耕耨。稽其女功。**里宰**掌比其邑之衆寡。與其六畜兵器。治其政令。以歲時合耦于鋤。以治稼穡。趨其耕耨。行其秩敘。以待有司之政令。而徵歛其財賦。**鄰長**掌相糾相受。凡邑中之政相贊。徙于他邑。則從而授之。

**閭師**掌國中及四郊之人民六畜之數。以任其力。以待其政令。以時徵其賦。凡任民任農以耕事。貢九穀。任圃以樹事。貢草木。任功以飭材事。貢器物。任商以市事。貢貨賄。任牧以畜事。貢鳥獸。任嬪以女事。貢布帛。任衡以山事。貢其物。任虞以澤事。貢其物。凡無職者出夫布。凡庶民不畜者。祭無牲。不耕者。祭無盛。不樹者。無椁。不蠶者。不帛。不績者。不裘。

縣師掌邦國都鄙稍甸郊里之地域而辨其夫  
家人民田萊之數及其六畜車輦之稽三年大  
比則以攷羣吏而以詔廢置若將有軍旅會同  
田役之戒則受法于司馬以作其衆庶及馬牛  
車輦會其車人之卒伍使皆備旗鼓兵器以帥  
而至凡造都邑量其地辨其物而制其域以歲  
時徵野之賦貢。

旅師掌聚野之鋤粟屋粟間粟而用之以質劑  
致民平頒其興積施其惠散其利而均其政令  
凡用粟春頒而秋斂之凡新阡之治皆聽之使  
無征役以地之媿惡爲之等。

倉人掌粟入之藏辨九穀之物以待邦用若穀  
不足則止餘法用有餘則藏之以待凶而頒之  
凡國之大事共道路之穀積食飲之具。

廩人掌九穀之數以待國之匪頒賙賜稍食以  
歲之上下數邦用以知足否以詔穀用以治年

謂一夫八口每  
月食四釜也四  
釜則二石五斗  
六升矣  
接與扱同春也

之凶豐。凡萬民之食食者。人四鬴上也。人三鬴  
中也。人二鬴下也。若食不能人二鬴。則令邦移  
民就穀。詔王殺邦用。凡邦有會同師役之事。則  
治其糧與其食。大祭祀。則共其接盛。  
遣人掌邦之委積。以待施惠。鄉里之委積。以恤  
民之艱阨。門關之委積。以養老孤。郊里之委積  
以待賓客。野鄙之委積。以待羈旅。縣都之委積  
以待凶荒。凡賓客會同師役。掌其道路之委積。

凡國野之道。十里有廬。廬有飲食。三十里有宿。  
宿有路室。路室有委。五十里有市。市有候館。候  
館有積。凡委積之事。巡而比之。以時頒之。

稍人掌令。丘乘之政令。若有會同師田行役之  
事。則以縣師之法。作其同徒。輦輦帥而以至。治  
其政令。以聽於司馬。大喪。帥蜃車與其役。以至。  
掌其政令。以聽於司徒。

委人掌斂野之賦。斂薪芻。凡疏材木材。凡畜聚



之物。以稍聚待賓客。以甸聚待羈旅。凡其餘聚  
以待頒賜。以式法共祭祀之薪。烝木材。賓客共  
其芻薪。喪紀共其薪。烝木材。軍旅共其委積。芻  
薪。凡疏材共野。委兵器。與其野。囿財用。凡軍旅  
之賓客館焉。

